


TEZĂUR LITURGIC
2 SEPTEMBRIE

ACATISTUL
SF. CUVIOȘI
ANTONIE
ȘI
TEODOSIE I
DE LA
PECERSKA



MOSCOVA, 2000



Акафист

святым преподобным Антонию и Феодосию Печерским

Кондак 1

Избранныи и Духа Святаго исполнении,
преподобнии и богоноснии отцы наши, Антоние
и Феодосие Печерстии, преизящная Русския
земли прозябения, пречудная русскаго народа
украшения, хотящу мне, недостойному,
похвальное вам совершити пение, смиренно вас
молю, потемненный мой разум светом данныя
вам от Бога благодати озарите, мрак неведения
просветите, неудобства и препоны разрушите,
мою немощь укрепите, нас же всех, сынов
русских от всех бед и напастей, скорбей и
болезней отчески свободите, да в теплоте
сердца из глубины души вси купно вопием вам:
Радуйтесь, Антоние и Феодосие, монашескаго в
Руси жития первоначальницы.

Икос 1

Ангелом подобнаго желающе жития, абие в юности своей вся красная мира разсудне пренебрегосте; и аки сметие от себе отвергше, детскими попрасте ногами, вас же всецелых, в дар Христу Богу и приношение освятите, тем таковое ваше святое и богоприятное разсуждающе произволение, сицевое вам приносим пение:

Радуйтесь, отцы богоноснии, вся земная, благая и красная мира презревшии;

радуйтесь, Христа от юности всем сердцем и всею душою возлюбившии.

Радуйтесь, дом, имения и вся родителей стяжания ни во что вменившии;

радуйтесь, благое и сладкое иго Христово на рамена, в детстве еще суще, взявшии.

Радуйтесь яко уподобистесь преподобнаго Авеля богоприятному приношению;

радуйтесь, яко подражателие бысте боголюбиваго Ноя в благодарном его по изшествии из ковчега жертвоприношении.

Радуйтесь, ваша телеса вместо тучных агнцев и тельцов, Создателю своему принесяши;

радуйтесь, души ваша, вместо благовоннаго
фимиама, Христу Спасителю вознесшии.

Радуйтесь, сердца ваша во всегдашнее Богу и
Божией Матери служение добре уготовавшии и
всецело предавшии;

радуйтесь, все ваше житие, подобне Самуилу,
на служении Божии даже до последнего
издыхания красно и богоугодно препроведшии.

Радуйтесь, многое множество мужей и жен,
юношей и дев вашему подражати житию
научившии;

радуйтесь, благий и легкий ярем Христов
многим усладившии.

Радуйтесь, Антоние и Феодосие, монашескаго
в Руси жития первоначальницы.

Кондак 2

Видя всевидящее око Отца Светов таковое
ваше Богу вельми благоугодное начинание и
душеспасительное намерение, аще и не абие вас
купно жительствовать устрои, обаче не в долгом
времени сие вас соедини и совокупи, якоже
соедини и совокупи Павла Петру, да един ярем
понесше, многих в небесная введете обители;

чесому мы удивляющеся, благодарственно Богу, тако устроившему, поем: Аллилуиа.

Икос 2

Разум богоприятен, Антоние, всехвальне, тебе же самому и прочим душеполезен стяжати усердствуя, сего днем и нощию от Всемиловитваго Бога с теплыми слезами прилежно просил еси, пророчески вещая: “Скажи ми, Господи, путь, воньже пойду”. Темже человеколюбивый Бог, вняв твоему слезному молению, вложи в твое сердце, да не медля в Афонскую Гору идеши, ты же, аки второй Авраам, ялся еси пути с велиим тщанием, Божие исполняя веление, чесо ради вопием тебе таковая:

Радуйся, отче Антоние, древнему уподобивыйся Аврааму, по слову Божию, доброхотно и послушно, без скорби и сетования от сродник и южик своих удаляющемся;

радуйся, в далечайшую неведомую страну, обретения ради монашескаго жития, от своих сил нескорбно удаливыйся.

Радуйся, долгий, трудный и прескорбный путь скоротечно без смущения прешедый;

радуйся, Ангела Божия в том пути спутника,
якоже иногда Товиа, имевый.

Радуйся, Афонския Горы, по твоему желанию,
Божью же изволению, благополучно
достигнувый;

радуйся, многая тамо духовная благая и
душеполезная сокровища стяжавый.

Радуйся, многих тамо своим любомудрым
житием в посте и молитве, неустанном труде и
бдении, и безответнем, Господа ради,
послушании удививый;

радуйся, в иноческих трудах и подвизах
великим старцем Святыя Горы тебе сравнивый.

Радуйся, Антоние, аки богомудрая пчела, от
труждающихся тамо отец, аки от различных
цветов, сладость иноческую собравый;

радуйся, туюжде сладость во Отечество
сохранно принесый, и zde благоуспешно
насадивый и возрадивый сторицею.

Радуйся, яко в монашество тоужде
сладостию многих, с нимиже и Феодосиа
Великаго в слове и деле привлекл еси;

радуйся, яко собранную братию твою духовною сладостию изобильно насытил и в добродетелех укрепил еси.

Радуйтесь, Антоние и Феодосие, монашескаго в Руси жития первоначальницы.

Кондак 3

Сила Вышняго в чистое твое и непорочное всельшися сердце, преблаженне Феодосие, тако всего тебе Божиею любовью разжже, яко всех земных и временных удалятися, вечных же и нескончаемых выну искати тебе научи и вразуми. Тем таковое твое о спасении души зряще тщание и усердие, умильно Всесильному Богу поем: Аллилуиа.

Икос 3

Имел еси, отче преблаженне Феодосие, превеликое желание, еже Святая в Иерусалиме посетити места, и к сему делу желаемую обрел еси удобность, ко грядущим в Иерусалим приобщився, но злобный враг спону тебе и препятие содела, наusti бо мать твою, яже вслед тебе гнавши, и достигши, аки злодея связана, в дом привлекиши, по многом биении, твердо в храmine заключи, ты же, аки адамант,

сия злострадания терпеливо понесл еси, посем от заключения испущен, паки на хлебопечение церковному литургисанию приличное вдался еси, чесому удивляющеся, сице тебе вопием:

Радуйся, отче Феодосие, непоколебимый и нерушимый терпения столпе;

радуйся, пречудный и прекрасный смирения и кротости образе.

Радуйся, тяжкая матерняя биения и ногама попирания благодушно и мужественно терпевый;

радуйся, тояжде ласкания и лобзания аки смертоносный вред себе вменивый.

Радуйся, служение Богу и Божией Матери паче всего вседушно возлюбивый;

радуйся, церковному служению со всяким усердием от детства прилежавый.

Радуйся, сверстников поругания и посмеяния в честь себе вменивый;

радуйся, всем старым и юным образ смирения и кротости тебе представивый.

Радуйся, всем обидящим тебе вседушно прегрешения простивый;

радуйся, всеми добродетельными человеки
паче сверстник твоих хвалимый, любимый и
почитаемый.

Радуйся, добронравием и благочестием
краснее, неже светлыми ризами, тебе
украшивший;

радуйся, матерняя и властительская одеяния,
яко скверное блато, вменивший.

Радуйтесь, Антоние и Феодосие, монашескаго
в Руси жития первоначальницы.

Кондак 4

От богомерзких сластей и волнений
непреодоленен явился еси, преподобне отче наш
Феодосие, ибо твое, еже непрестанно работати
Господеви всегда имущи в уме и в сердце
произволение, на кийждо день на большия
простирался еси труды, и на кийждо день
приятнейшим и любезнейшим Богу быти
усердствовал еси, всякое же мира сладострастие
и любочестие побеждая, Единому Богу выну
воспевал еси: Аллилуиа.

Икос 4

Слышав преблаженне отче Феодосие,
жестокое святаго Антония и острое в пещернем

затворе житие, скоротечно, аки елень на
источники водныя, к нему отай матере твоея
текл еси, идеже доспевши прилежно его молил
еси, да тя в свое сожителство примет и в
число иночествующих впишет, он же, провидев
в тебе живущую благодать Божию,
неотлагательно повеле на тя иноческий
возложить образ, ты же за то благодаривши
Бога Благодетеля, обоеручно иноческаго явился
еси жития, и со Антонием купно непрестанно
труждался еси, о чем мы помышляюще, тако
взываем к вам:

Радуйтесь, Антоние и Феодосие, иноческаго
жития основатели;

радуйтесь, первейшии новоначальных
иноков в Руси наставницы.

Радуйтесь, в монашеское отишие, аки в
некий корабль безопасный, к вам приходящих
вводители;

радуйтесь, предобрии в пучине мира сего
влающих управители.

Радуйтесь, мирския бури, волнения и мятежи
в тишину мудре прелагающие;

радуйтесь, всех любезно в доброе и
спасительное пристанище наставляющие.

Радуйтесь, свирепеющих врагов шатания
мудре усмиряющих;

радуйтесь, от всех неприязненных
обуреваний к вам притекающих удобно
спасающих.

Радуйтесь всех под ваш покров и защищение
отечески приемлющих;

радуйтесь, всех без лицепрятия от всех
напастей и бед защищающих.

Радуйтесь, бедствующим всегда и во всем, и
на коемждо месте добре предстательствующим;

радуйтесь, обидимых, озлобляемых и
уничижаемых присноходатайствующих.

Радуйтесь, Антоние и Феодосие, монашескаго
в Руси жития первоначальницы.

Кондак 5

Богоявленные звезды, ихже на тверди
Русской яви солнце премирное, лучами высокия
вашея святыни многих просвещающая, многих
на путь боговедения наставляющая, многих к
иночествованию приводящая, многих же в
добродетелех, остром же и прискорбном житии
утверждающая и укрепляющая, сие Божие
изволение в вас добре исполнившееся зряще,

поем благодарно Всемилоствому Богу:
Аллилуиа.

Икос 5

Видевше мнози богоугодное ваше в пещерах, аки во гробех, заключенное житие, умиляхуся душами, сердца же сокрушающиеся, спешно к вам, спасения ищуще, притекаху смиренно просяще, да и их такового жития общники соделавше, во всегдашнее Богу служение освятите, вы же помняще Рекшаго: “Грядущаго ко Мне не иждену вон”, всех приходящих любезно приимасте, и отчески поучасте. Темже сицевым вас венчаем песнопением:

Радуйтесь, преблаженнии отцы многих от работнаго ига мирскаго в сладкую духа свободу изведшии;

радуйтесь, многих истинно Христу работати, и искренно Ему служить научившии.

Радуйтесь, вашими добродетельми многим ко спасению, якоже иногда Моисей в землю обетованную, путь открывшии;

радуйтесь, многих не уже в землю обетованную, но в самая Небесная жилища введшии.

Радуйтесь, не словом точию, но множае паче делом и усердною к Богу молитвою своя ученики и последователи поучающие;

радуйтесь, ваших купножителей монашескими правилами красно и боголепно управляющие.

Радуйтесь, различными искушениями и напастями отягченным скоро пособствующим;

радуйтесь, от супостат боримым и тяжко насильствуемым всегда помоществующим.

Радуйтесь, одолеваемых от сопротивных, но не отчаивающихся и богонадежно в молитве вас призывающих, внезапным вашим пособием подкрепляющие;

радуйтесь, всякое враждебное устремление сильно воспящающие.

Радуйтесь, собранное вами духовное стадо бодренным оком выну назирающие;

радуйтесь, ваших учеников и наследников непрестанно на путь Божиих заповедей наставляющие.

Радуйтесь, Антоние и Феодосие, монашескаго в Руси жития первоначальницы.

Кондак 6

Проповедуемо и везде попремногу похваляемо бе ваше, преподобнии отцы, богоугодное и безмолвное житие, кто бо точию нестяжательное и в пещерных затворех продолжаемое сие видеv или слышав, ангелов вас паче, нежели чvловекv быти не мняще; терпению же вашему и различному тела умерщвлению кийждо удивляясь, Богу приличное воздая благодарение, купно с вами пояше песнь: Аллилуиа.

Икос 6

Воссияете на крузе Русския церковныя области, преблаженнии, аще бо и самих себе в темных пещерах, аки под спудом, заключисте, обаче лучами ваших подвигов и добродетелей, такожде вся окрестныя страны озаристе и просветите, якоже чувственное солнце мир озаряет и просвещает и тако многих сердца к богоугодному житию возбудисте и согрeясте, и удобна к добродeянию сотвористе, яко и солнце, согревая землю, удобну творит ю к прозябению различных древ и плодов и былий сельных и всякаго злака на службу чvловекv и скотом. О

сем благодаряще Бога, сиевое вам приносим
пение:

Радуйтесь, просветители в омрачении
страстей пребывающих;

радуйтесь, вразумители в суе и
самозабвении жительствоющих.

Радуйтесь, руководители в недоумении и
заблуждении сущих;

радуйтесь, управители добре жити
начинающих.

Радуйтесь, укрепители в благом
изнемогающих, и малодушием и унынием
колеблемых;

радуйтесь, возбудители в небрежении
спящих.

Радуйтесь, бодрости и трезвения предобрии
учители;

радуйтесь, нерадения и праздности
известнии прогонители.

Радуйтесь, трудолюбия, еже всякому благу
начало и утверждение, теплейшии рачители;

радуйтесь, чистаго и непорочного жития
неусыпающих хранители.

Радуйтесь, всех ко спасению изящнии и
вернии путеводители;

радуйтесь, всех благочестно и богоугодно
жити хотящих мудрии наставницы.

Радуйтесь, Антоние и Феодосие, монашескаго
в Руси жития первоначальницы.

Кондак 7

Хотя всезлбный враг доброму вашему
начинанию спону и препятие сотворити, тако
князя противу вас гневом разжже и яростию
распали за пострижение в иночество слуг его,
паче прочих любимых, некоего евнуха и сына
болярска, яко нужда вам бе своя пещерная
оставити жилища и инуде преселитися; обаче не
долго сим своим ухищрением враждебник
веселяшеся, ибо благодушный князь, вразумлен
сый своею богобоящею супружницею, вскоре
познав ваше незлобие, и вражию разсмотрев
хитрость и коварство, с молением посла к вам,
да на свое паки возвратитесь прежнее
местопребывание, о чесом возрадовавшеся,
благодарно воспесте Богу: Аллилуиа.

Икос 7

Новый труд, и новый подвиг по возвращении в пещерная ваша жилища восприяли есте, отцы преподобнии: на разширение бо монашеских келлий и на устроение молитвенного храма неленостно устремистесь, да злокозненного врага гордыню поперете и его безстудное безумие посрамите, собранную же братию к богоугодному и добродетельному житию вящше возбудите, и на усерднейшее Христу Богу служение подвигнете, на то мы умныма взирающе очима, сице взываем к вам:

Радуйтесь, пещернаго иноческаго пребывания трудолюбнии обретатели и ревнители;

радуйтесь, теплии монашескаго жития и преславнии защитницы.

Радуйтесь, обителей ваших бодрии и неусыпающии хранители;

радуйтесь, княжескаго гнева и ярости смиреннейшии укротители.

Радуйтесь, врагов и неприятелей ваших истиннии и нелицемернии любители;

радуйтесь, обиды вам творящих и напасти
деющих праведнии рачители.

Радуйтесь, заповедей и советов Божиих
усерднейшие исполнители;

радуйтесь, к чистому и непорочному житию
предводители благопоспешнии.

Радуйтесь, добронравия и благоговения
учители преизящнии;

радуйтесь, подвизающихся в благочестии и
труждающихся в благотворении всеильнии
силою Христовою помощницы.

Радуйтесь, в иноческих трудах
неутружденнии подвижницы;

радуйтесь, собранному вами стаду
необоримии во всем поборницы.

Радуйтесь, Антоние и Феодосие, монашескаго
в Руси жития первоначальницы.

Кондак 8

Странное ваше и вельми скорбное житие не
токмо человеков на земли, но и Ангелов на
небеси удиви: вы бо, заключившися в пещерах,
аки в темных гробех, всеусердно в теплоте
сердца и души Единому Богу работасте, да та,

яже во дни и в нощи Создателю вашему приносимая служения, неведома и незнаема будут миру, ведома же и знаема Самому Творцу явятся. Сего ради мы Богу, тако вас научившему и вразумившему, присно поем: Аллилуиа.

Икос 8

Все ваше, преблаженнии и богоноснии отцы, тщание и все о том быше попечение, да выну всезлобному рода христианского врагу сопротивляетесь и гордую его главу попираете и стираете, общаго же всем Творца, купно со ученики своими в душах и телесех ваших прославите и в сем благом изволении вашем и богоугодном подвиге укрепляемии силою свыше, толико преуспесте, яко вся возмогосте о укрепляющем вас Христе Иисусе. Темже и слава Божия возсия из пещер ваших и озари вся концы земли, чесо ради таковое вам похвальное воздаем пение:

Радуйтесь неутомимии хвалы и чести Божия в мире ревнители и проповедницы;

радуйтесь, високоумные вражия гордыни крепцыи смирители.

Радуйтесь, враждебных наветов и стужений
достохвальнии упразднители;

радуйтесь, неприязненных сетей и пагубных
козней мужественнии воспятители.

Радуйтесь, глубоким смирением и кротостию,
аки драгоценными бисерами себе украсившии;

радуйтесь, в тех же боголюбезных
добродетелех многих утвердившии.

Радуйтесь, в постничестве и воздержании
древним пустынножителем поревновавшии;

радуйтесь, в неустанней молитве, без всякаго
стужения и уныния, дни и ночи проводившии.

Радуйтесь, в тойже пребывати молитве
ваших последователей добре научившии;

радуйтесь, како бодрствовать против
вражиим наветом и оных одолевати, образ и
путь нам показавшии.

Радуйтесь, на мысленныя враги пост,
молитвы и коленопреклонения, вместо оружия,
употреблявшии;

радуйтесь, сицевым вашим тесным и
скорбным житием Божию в мире славу
умножившии.

Радуйтесь, Антоние и Феодосие, монашескаго в Руси жития первоначальницы.

Кондак 9

Всякий человеческого естества чин, нищих и богатых, худородных и высокородных на убогое, смиренное и вельми острое житие ваше взирая, велие Богу воздаваше благодарение и попремногу прославляше Его благостыню и неизреченное милосердие, яко сие тесное и прискорбное проходити житие вас устрои, да вы многих от душегубительных изведше стези, пастырски на стезю спасения наставите, поучающе их присно пети Создателю и Промыслителю: Аллилуиа.

Икос 9

Витии избранныи явистесь, преславнии отцы наши, но не по образу мира сего витийствовавши, ибо яже мир сей любит, вы всем усердием возненавидесте, и яже блажит и вельми почитает, вы презресте, и далече от себе отвергше, аки непотребное и неполезное сметие, ногама своима попрасте, темже от всех таковое похвальное приемлете почитание:

Радуйтесь, мира и всех его сластей, красот и прелестей доблестнии презрители;

радуйтесь, иноческаго нестяжания и нищеты теплейшии любители.

Радуйтесь, тела вашего и всех телесных чувств суровии умертвители;

радуйтесь, кротости, смирения и воздержания приснии рачители.

Радуйтесь, все ваше утешение и блаженство в нищете и нестяжании положившии;

радуйтесь, безмолвием и от мира устранением зело себе удобрившии.

Радуйтесь, всецело самих себе на Божий промысл и попечение возложившии;

радуйтесь, сладких брашен и гортаноугодных питий никогдаже похотевшии.

Радуйтесь, мягких и светлых одеяний на ся никакоже возложившии;

радуйтесь, многошвенная рубища, аки многоценныя украшения, во всецелом вашем житии всегда с любовью носившии.

Радуйтесь, вместо избранных пищи, постом
многодневным и острым телеси умерщвлением
вас питавший;

радуйтесь, вместо сладкого питья,
сердечными слезами себе самих напаявавший.

Радуйтесь, Антоние и Феодосие, монашеского
в Руси жития первоначальницы.

Кондак 10

Спасти хотя многих, всех обращения и
спасения милостивно ожидая Премилосердый
Бог, других вас апостолов Руси яви, да вами
многих вразумит и на правый спасения путь
наставит, в чем вы апостольски потруждашеся, в
неведении сущих евангельской истине
неленостно поучая, к правоверию приведосте и
к хранению Божиих заповедей и богоугодному и
чистому житию словом и делом непрестанно
возбуждасте, поюще Богу Помощнику: Аллилуиа.

Икос 10

Стена тверда и крепкое ограждение
явистесь, всехвальнии отцы, к вам
прибегающим, не точию бо иночествовати с
вами хотящим руку помощи милостивно
подавасте, но и различными мирскими делы,

напастями и скорбями отягченных и утесненных тако утешасте, якоже родители чада своя во обстоянии скорбей и болезней сущия, утешают, отраду им своим попечением подающе и отеческою ласкою тяжесть скорбей облегчающе. За каковое ваше благодетельство сицевое вам благодарственное воздаем пение:

Радуйтесь, бедствующим и различными напастями боримым скории помощницы;

радуйтесь, обидимых и озлобленных известии защитницы.

Радуйтесь, обуреваемых тяжкими мира сего прилоги предобрии кормчии;

радуйтесь, убожествующих и в скорбней нищете сущих всещедрии обогатители.

Радуйтесь, алчущих и гладствующих милостивии кормители;

радуйтесь, нестерпимою палимых и утесняемых жаждою предивнии прохладители.

Радуйтесь, одежды и крова лишенным в недрах милосердия Божия покров и убежище открывающими;

радуйтесь, слепотствующим, наипаче же в законе Господни заблуждающим, пречудным руководителям.

Радуйтесь, болезнями и тяжкими недуги одержимых и томимых премудрии врачеватели;

радуйтесь, всех напастей, бед и скорбей сильнии и крепцыи прогонители.

Радуйтесь, всякаго добра временнаго и вечнаго податели;

радуйтесь, с верою к вам притекающих от всех скорбных обстояний теплии защитители.

Радуйтесь, Антоние и Феодосие, монашескаго в Руси жития первоначальницы.

Кондак 11

Пение еже приносим вам, богоноснии отцы, несть довольно к похвалению преславных ваших подвигов и трудов вышечеловеческих, яко бо житие бе превосходящее житие человеческое, ангельскому же подобящееся, сие и похвалям от ангел паче, нежели от человек вам приносимым быти достоин: обаче усердное наше зряще произволение, любезно приносимое нами примите пение, нас же от грех и всяких

скверен и нечистот вашими молитвами
очистите, на всяк день и час чистым сердцем
поем Богу: Аллилуиа.

Икос 11

Светоподательная на земном крузе явистася
светила, Божия благодати исполненная, отцы
преблаженнии, всю вселенную, из подземного
пещерного спуда, пресветлыми вашими
добродетельми ясно просвещающия, дела бо
ваши из подземных воссиявше заключений,
такое всему миру во уведение и познание
приидоша, яко и Восток оная ублажает, и Запад
величает, и Юг восхваляет, и Север попремногу
прославляет. Темже и мы сие вам от любви
припеваем:

Радуйтесь, всех добродетелей неленостнии
исполнители;

радуйтесь, многих монашеских обителей
предобрии соградители.

Радуйтесь, всяких добродетелей пресветлая
зерцала;

радуйтесь, крепкая и непреодолимая ваших
обителей забрала.

Радуйтесь, прекрасная и пречудная Духа Святаго жилища;

радуйтесь, всех богоугодных и благоприятных дел преудобренная вместилища.

Радуйтесь, Творцу и Богу вашему во временнем житии добре угодивший;

радуйтесь, к исходу от сея временныя и многотрудныя жизни прекрасно себе уготовивший.

Радуйтесь, ваших учеников, аки истинных чад, не точию в животе сем, но и при исходе наипаче на богоугодное житие наставивший;

радуйтесь, темже учеником, по отшествии отсюда, невидимое спребывание и всегдашнее содействие и помощь обещавший.

Радуйтесь, в небесная жилища благопоспешно без всякаго препятія вшедший;

радуйтесь, мзду велию за ваша иноческия злострадания от Всещедраго Мздовоздателя восприемший.

Радуйтесь, Антоние и Феодосие, монашескаго в Руси жития первоначальницы.

Кондак 12

Благодать, юже Всемиловитый и Всещедрый Бог, от Своих неистощимых подаваше сокровищ, никогдаже в вас тща и праздна бываше, но выну обилен плод творяше, аки зерно доброе в добрую вверженное землю, вы бо верным и мудрым рабом, от своего господина таланты взявшим, уподобившеся, тако силами, свыше вам подаваемыми, трудолюбне деласте, яко да и Богу приятни и любезни явитесь, и себе в небесных селениях нескончаемое приобрящете воздаяние, непрестанно поюще Богу: Аллилуиа.

Икос 12

Поюще ваше безмолвное и весьма от житейских и мирских попечений удаленное, со Единым Богом житие, похваляем многоболезненныя труды и подвиги ваша, почитаем дневная и всенощная бдения и молитвы, славим частая долугания и коленопреклонения, и вся та чтим плоти умерщвления и духа сокрушения, яже любви ради Христовы благодушно подъясте, воспоминаем купно и мздовоздаяния, яже от Праведнаго Судии и Мздовоздателя Бога обильно восприяли есте, сие воспеваяще:

Радуйтесь, в Небесней нескончаемой Славе Ангелом уподобившись;

радуйтесь, честь равную Патриархом приемшии.

Радуйтесь, в чине пророков, яко дар пророчества имущии вписаннии;

радуйтесь, к лику апостолов и евангелистов, яко словом и делом Христа благовестившии, сопричтеннии.

Радуйтесь, в сонме мучеников, яко много Христа ради претерпевшии, благочестно восприятии;

радуйтесь, в собрании исповедников саном исповедничества почтеннии.

Радуйтесь, с девствующими, яко девственницы, возвеличеннии;

радуйтесь, со всеми святыми добре Богу угодившими, участие и наследие обретшии.

Радуйтесь, пресладким и блаженным Пресвятыя Троицы лицезрением выну насыщающиися;

радуйтесь, по иноческих подвизах и постнических трудах нескончаемым упокоением наслаждающиися.

Радуйтесь, неизреченных благ, праведным от века уготованных, наследия праведно удостоившийся;

радуйтесь, Царствия Небеснаго, вся в себе сладости и красоты, вся величия и блаженства, ум человеческий превосходящая, содержащая, общницы и обладатели явившийся.

Радуйтесь, Антоние и Феодосие, монашескаго в Руси жития первоначальницы.

Кондак 13

О преблагеннии и всякия чести достойнии, отцы богоноснии, Антоние и Феодосие Печерстии, малое сие моление, нами, недостойными, вам от любви приносимое, любезно примите, ваше купно же и наше Отечество, от всех неприязненных нападений и вражиих наветов непоколебимо и невредимо соблюдайте, нас же, сыновне с верою и любовью к вам притекающих, от всяких бед, скорбей и напастей отечески избавите, да выну благодарно поем о вас Богу Спасителю: Аллилуиа.

(Этот кондак читается трижды, затем икос 1 и кондак 1)

Молитва

Преподобнии и богоноснии отцы наши Антоние и Феодосие, к вам мы грешнии и смиреннии, яко к теплым заступником и скорым помощником и известным предстателем, усердно прибегаем, смиренно просяще вашей помощи и заступления в бездне зол и бед погружаемии, яже на всяк день и час нам и от человек лукавых приключаются и от духов злобы поднебесныя, всегда погибели душ и телес наших ищущих, находят на ны. Известны бо есмы несумненно, коль великое к Милосердому Богу имате дерзновение: еще бо на земли между странствующими к Горнему Отечеству пребывающе, велию силу благодати Божией, вами чудодействующия, в себе показасте, яко и огонь с небесе, по подобию Илиину, на показание места, на немже великая церковь Печерская строится хотяше, низведосте, и росу, по образу Гедеонову, на очищение и вечное прославление тогожде святаго места призвасте: такожде вемы, коль многое множество мужей и жен, из разных стран и народов, скорбящих и нападствуемых, или различными тяжкими болезнями одержимых, вашими молитвами и заступлением получиша скорое себе облегчение

и избавление. Аще убо вся та помоществования, еще в смертном сущи странствовании, бедствующим милостивно подавасте, кольми паче днесъ, егда уже Всемогущей предстаете Троице, и большее приясте дерзновение, во еже молити ю о нашем недостойнстве, и нас в бедах и печалех сущих утешати, в тяжких нуждах и напастех по нас ратовати, в злключениях и бедствиях нас заступати и защищати. Сего ради и мы, столь многими враждебными наветами, озлоблениями и коварными злоумышлениями отвсюду угрожаемии и теснимии, вашему теплomu и сильному по Бозе вручаем себе покровительству и защищению, и усердно молим благостыню вашу, сохраните нас неврежденных от всех бед и зол, наипаче же от бесовских козней и хитростей, льстивых подступов и наглых нападений: да не будем им в поругание и посмеятельство, но тако их крепкою вашею помощию от нас отжените, якоже во дни оны от обители отгнасте их, многия пакости иногда деющих. Сицевая же их бесполезная укротивше на ны востания и устремления, тако нас, утвержденных в вере, надежде и любви постоянных соделайте, да николиже нами каковое возобладает недоумение, или сумнение

в тех, яже Святая Мати Церковь веровати поучает, и исповедати дерзновенно повелевает: надежду нашу на Господа Бога в душах наших весом и мерою правды и милости Божия сие устройте, яко да ниже излишне уповаем обещанная от Бога без труда и подвига восприяти, ниже, зряща великая прегрешения и тяжкая законопреступления, весьма Божия милосердия отчаиваемся. Любовь в сердцах наших сие утвердите, и достойну соделайте, да ничтоже земное и скорогибнущее паче Бога, вся сотворшаго и вся в Себе содержащаго, ниже помышляем, ниже желаем, ниже предпочитаем. Чувства наша душевная вкупе и телесная в таковом благоустроении и благолепной мерности на всяк день и час удерживайте и снабдевайте, да теми никогдаже Благаго, Человеколюбиваго Бога прогневаем. Разум уцеломудрите, да он паче о Бозе, Его вездеприсутствии и благопромышлении помышляет, неже о временных и ничтоже сущих печется. Развращенную волю нашу выну исправляйте, да николиже хочет, еже хотению Божию сопротивляется, но теми да удовлетворяется, и в сих безмятежно и безпечально да пребывает, яже суть Богу угодна и приятна, человеку же

спасительна и полезна. Память истрезвляйте, да та непрестанно представляет уму и сия, имиже Всемиловитоваго прогнева Бога и его благоутробие раздражи и она, яже всякаго человека, кроме всякаго сумнения по временной сей жизни ожидают: к симже и Отечества вашего не забывают, но в мирном устроении пребывать ему у Престола Величества Божия непрестанно ходатайствуют. Вся люди, сущия в стране нашей, мирных и безпечальных сохраните, и от всякаго злаго обстояния вскоре избавите. Егда же приспее наше от временнаго сего жития отшествие и к вечности преселение, сице нам в помощь предстаните и от насилий вражиих свободите, якоже предстае иногда Еразму монаху в тяжком смертном бедствии обретавшемуся, и сице сердца наша к истинному покаянию и жалению о грехах подвигните, якоже и онаго сердце подвигосте, иже в истинном покаянии от здешних к Богу отъиде, да и мы, в чистом совести нашей свидетельстве, Пресвятей и Неразделимой представше Троице, прославляем Ю купно с вами и всеми святыми в безконечныя веки. Аминь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

I

НОВОЕ
* НЕБО